

游朝陽巖記

施昱

巖在治城南出城西門舟行二里而近登岸以上不百武至山頂前人卽平曠處爲堂以憩客堂南稍轉而東石磴緣崖拾級以降面東而广出者巖也巖有上下上巖石广聳植潤僅數楹广際兩凹相次如仰蓮瓣一石下垂去地二三尺許隱如游雲飄如凝煙疊如蜂房矯如龍首騫如鳳翼而適當其右中兩崖石皆堅潤好事者往往留題其間石側一亭額曰觀瀾則江流其在下也過此再厯石磴下數拾級乃至下巖其巖亦不甚濶然空虛明朗洞然無物一水自中出淙淙有聲大江汨汨循其前可以列席可以布武可以曠目次山之所得卽此也前人題

道藏輯要

天下名山記
湖廣朝陽施

壘

軫集三
八〇七

刻甚多間有爲人剝去姓名者予以爲二巖皆無大奇觀上巖似偏仄而欠空虛然广頰隆起而懸流下施仰連上此則非下巖之所有下巖似卑湫而乏高聳然广中空洞而清泉內出江流外透則上巖亦不能過也豈所謂有主則實無物則虛者哉予觀二巖而地中有山山下出泉之義則具矣夫自有山川以來斯巖之生亦久矣次山識之而始名自朝陽以來二巖之勝亦久矣而人未有能異之者抑山川顯晦自有時哉